



PROCEDIMENTO PARA TESES SUXEITAS A PROTECCIÓN DE DATOS

(Aprobado no COMITÉ DE DIRECCIÓN da EIDUDC do 25 de novembro de 2014)

De acordo co artigo 5 do Real Decreto 63/2006, de 27 de xaneiro, polo que se aproba o Estatuto do persoal investigador en formación, relativo aos dereitos do persoal investigador en formación; o artigo 14 do Real Decreto 99/2011, de 28 de xaneiro, polo que se regulan as ensinanzas oficiais de doutoramento, relativo á avaliación e defensa da tese de doutoramento; e o Regulamento de Estudos de Doutoramento da UDC (REDUDC), en particular, o seu artigo 35 (Teses con protección de dereitos), a Escola Internacional de Doutoramento da UDC (EIDUDC) establece o seguinte procedemento e os mecanismos necesarios para materializar a protección de estes dereitos:

Primeiro. Materialización de cláusulas de confidencialidade no Compromiso Documental de Supervisión

De acordo co parágrafo primeiro do artigo 35 do REDUDC, “no compromiso documental se incluírán as cláusulas oportunas para garantir a non difusión dos contidos no caso de aquelas teses de doutoramento en que existan cláusulas de confidencialidade con empresas ou aquelas que poidan dar lugar a dereitos de propiedade industrial e intelectual e das que non se poida realizar a difusión de contidos antes de estar debidamente protexidos”.

Segundo. Establecemento de cláusulas de confidencialidade posteriormente á sinatura do Compromiso Documental de Supervisión

De darse esta circunstancia con posterioridade á sinatura do compromiso documental de supervisión, o/a doutorando/a e o/a titor/a da tese solicitarán por escrito ao órgano académico responsable do programa (departamento, instituto ou comisión académica) a súa conformidade para a non difusión do contido total ou parcial da tese. Esta solicitude deberá acompañarse dun informe do/a director/a da tese que xustifique a necesidade da confidencialidade total ou parcial da tese.

No caso de que o órgano académico responsable do programa de a súa conformidade, o notificará ao/á doutorando/a, titor/a e director/a da tese e trasladará a solicitude e o informe xustificativo do/a directora/a da tese á Comisión Permanente de la EIDUDC, que procederá, se é o caso, á súa autorización.

O proceso recollido nesta segunda cláusula debe desenvolverse previamente ao depósito da tese de doutoramento.

Terceiro. Documentación que se debe presentar no depósito da tese

No momento do depósito da tese, o/a doutorando/a deberá presentar a seguinte documentación relativa á **versión reducida** da tese:

- Un exemplar coa versión reducida da tese en formato papel, en que se eliminarán os contidos afectados polo deber de non difusión ou polo deber de secreto ou confidencialidade, asinado polo/a doutorando/a, o/a director/a da tese e, se é o caso, o/a titor/a da tese.



- Unha copia en formato electrónico (PDF) da versión reducida da tese, acompañada dunha declaración asinada polo/a doutorando/a e o/a directora/a da tese onde conste que é copia fidedigna do exemplar reducido da tese en formato papel.

No momento do depósito da tese, o/a doutorando/a deberá presentar a seguinte documentación relativa á **versión completa** da tese:

- Un exemplar coa versión completa da tese en formato papel, asinado polo/a doutorando/a, o/a director/a da tese e, se é o caso, o/a titor/a da tese.
- Unha copia en formato electrónico (PDF) da versión completa da tese, acompañada dunha declaración asinada polo/a doutorando/a e o/a directora/a da tese onde conste que é copia fidedigna do exemplar completo da tese en formato papel.

Cuarto. Utilización das versións reducida e completa da tese

O exemplar da **versión reducida** en formato papel será o que se deposite para a súa consulta pola comunidade científica de doutores/as. Esta versión deberá coincidir co contido da exposición e defensa pública da tese.

A **versión completa** será a que se lles entregue aos membros do tribunal para a súa avaliación. Ademais, un exemplar completo en formato papel e en formato dixital (PDF) quedará arquivado na universidade baixo o compromiso de confidencialidade.

Quinto. Compromiso de confidencialidade dos membros do tribunal

Unha vez nomeados os membros do tribunal pola Comisión Permanente da EIDUDC, a Oficina de Doutoramento da EIDUDC achegará a cada un a notificación de nomeamento de membro do tribunal, o expediente académico do/a doutorando/a, e o documento de [compromiso de confidencialidade e segredo da tese de doutoramento](#) (Anexo), que deberá reenviar asinado á EIDUDC para que, desde este servizo, se lle poida remitir o exemplar completo da tese para a súa avaliación e un informe sobre os contidos da tese suxeitos a protección de dereitos.

Sexto. Defensa da tese de doutoramento en sesión pública e en sesión privada

A defensa pública da tese de doutoramento abordará só os contidos que non estean suxeitos a protección de dereitos de propiedade industrial/intelectual e a compromiso de confidencialidade. Se o tribunal desexa formular cuestións ao/á doutorando/a sobre os contidos protexidos, estas intervencións faranse en sesión privada, con carácter previo ou posterior á sesión pública.

Sétimo. Publicación da tese de doutoramento no repositorio institucional

Unha vez aprobada a tese, o exemplar reducido será o que se publique no repositorio institucional. Cando se realicen as oportunas proteccións ou venza o prazo de confidencialidade, os xa doutores poderán solicitar, despois de acreditar estas circunstancias, a súa substitución polo exemplar completo. En todo caso, a Comisión Permanente da EIDUDC establecerá en cada caso o período máximo permitido para a publicación da versión reducida da tese no repositorio institucional. Transcorrido dito período a EIDUDC procederá á publicación da versión completa da tese no repositorio institucional.



Oitavo. Entrada en vigor e aplicación

Segundo establece a disposición transitoria primeira do REDUDC, este procedemento de protección de tese aplicarase a partir da data de aprobación de dito regulamento pola Comisión Permanente/Comité de Dirección de la EIDUDC.

Respecto ao alumnado de programas de doutoramento regulados por normativas anteriores ao RD 99/2011, serán de aplicación as cláusulas 2ª a 8ª do presente procedemento.